

Babūnėlė moni muokė

Babūnėlė tonke muokė
Sāva dailė, truopnė ruoda,
Kap mon gerā, duōra būtė,
Kap pavuožuot žmuogu kuōžna.

Kou nerek, tuo neliurškietė,
Žmuogou prāsta nelinkietė,
Neuždout nikumet šėrdėis.
Sēna, māža rek patiešit.

Pondeivālis vėskou māta,
Pareis atgal bluogoms tāva,
Vuo tumet sopies šėrdėlė,
Bėrs kap žėrnė ašarėlės.

Babūnėlė monė muokė
Ėr lazdėlė tēiva ruodė:
„Va, mata do galėlius –
Te geromou anei bus.“

Gerė žuodė dūšė šėlda
Pomietie turiek par ōmžius.
Nepamėršk to mōna žuodiu,
Kap bebūtom sunko.